

PIÆ MEMORIÆ
OPTIMÆQVE AC MULTÆ SPEI
ADOLESCENTULO

110
JOANNIGERET
VIRI

SUMME REVERENDI AMPLISSIMI *nec non*
DOCTISSIMI

DOMINI
CHRISTOPHORI
ANDREÆ GERET

REV. MINISTERII THORUN. SENIORIS
MERITISSIMI

ut & Consistorii Sambienfis in Regno Prussiae Consilarii Dignissimi

FILIO CARISSIMO

Die 14. Julij horis ante-meridianis a. c. 1734.

post multos eosque acutissimos ex oculorum cæcitate
exantlatos dolores

Anno floridæ ætatis nono
de tenebrosa hac lacrymarum valle
ad lucidissimos Sionis montes
lento sed acerbo ac simul beato
mortis genere translato

dieque seqv. 18. mensis ejusdem
ceremoniis Christicolas decentibus
tumulo illato

metra hæc qualiacunque ad contestandam vere
super fata hæc nimis præcocia
animi sui tristitiam
crena & vena lugubri adponere
voluit debuit

HEINR. REICHEL.

THORUNII
Impressit Ioh. Nicolai NOBIL, SENAT. & GYMN. Typographus.



*Natura rerum militat efficax
In fata semper, dum nimis huic brevem
Vitæ fugacis, tardiozem
Instruit huic bene-prona scenam.*

*Natura rerum militat efficax
In fata, multis fluctibus obruens
Nautam marinis hunc, sed illum
Incolumem patriæ fovendo.*

*Natura rerum militat efficax
In fata porro, Marte sat aspero
Multi cadunt dum sæpe, multi
Stantque manentque, favente Marte.*

*Natura miscet funera juvenum
Spem præter omnem funeribus senum,
Miscet piis pro velle multam
Sæpius ac reprobam cohortem.*

*Natura raro hæut sed quoque candidis
Perdura miscet (liberum id est, DEO
Rectore, naturæ) Ministris
Fata, quis hæc nimis alta novit ?*

*Fatalia o ne talia prodere
(Sed prodo nullus dum satis hæc patent)
Ploranda deberem indolendo,
Quæ Tibi, Vir Reverende nota,*

*Quin nota cunctis civibus insimul
Ex hoc (†) JOANNEM quo prece filium
Visu carentem sede sacra
Hactenus usq; DEO obtulisti.*

(†) JOANNES per anagr: en, is Nöa.

Quis

*Quis Te dolor, quis mæror amarior
Quis multus angor pectus id anxium,
Hoc stante casu vere acerbo,
Attigerit DEUS Ipse norit.*

*Multis amasti amplexibus hunc tuum
Natum, Patri ceu congruit optimo,
Contra minus non hunc amavit
Fons & origo Paterq; amoris.*

*Vter prior nunc, dic, in amore sit,
Tu, qui minor longe Domino tuo,
Et iussa cuius sancta servas,
An Dominus tuus atque Nati.*

*Quod pectori vulnus dedit Is tuo,
Nemo negabit, vix medicabile,
Ni Spiritus Sancti levamen
Accelret, quod & opto, sacrum.*

*Erectus inprimis dubia minus
Spe nec tacenda, luminis indies
Hac utriusvis claritate,
Quod reditura salus prior sit.*

*Is sed, futurus tempore qui Nôa,
Aptusq; qui tam sana levamina
Præbere contritis fuisset
Cordibus, en, modo fata clausit.*

*Illum quidem nunc nox cita sustulit,
Sed longior post hunc quoq; lux manet,
Quæ nescit ullam clara noctem,
Plausibus innumeris repleta.*

*Et taliter nunc atria cœlica
Binos JOANNES, pignora bina habent,
Vix unico Nato relicto
Hic, SAMUELE Tibi LUTHERO !*

Supero

*Superstitem quem jam pia Numina
Servent, ut & post incolumem diu
Solatio Vobis Vtrisque,
Tam Tibi quam Sociae fideli.*

*Quare dolendo filiolum tuum
Peccas minus, quin das potius genis
Justas aquas, peccare cuius
Ingenuo licet hoc dolore.*

Notanda vero est haecce dies () Bona-
Ventura, digno, tempore ceu fuit
Vsu receptum, qua recepit
Lumina filiulus, lapillo.*

*Quae TRINITATEM, quae sibi par manet
Essentia & par quae sibi Gloria
Diva, videt non lumine orbis,
Sed videt HANC lepidis ocellis.*

*Gratemur ergo, tristitia procul
Omni remota hic, hanc metamorphosin
Lucemque Nato in tam beata
Sede: $\omega\kappa\rho\epsilon\iota\text{-}\gamma\lambda\upsilon\kappa\acute{\iota}$ sic habeto.*

